

84
D. O. M.
AD ILLVSTRISS. VIRVM 6
IOANNEM CORNELIVM.

BRIXIAE PRAETOREM AMPLISSIMVM,
ac vigilantissimum.

IACOBI TAVORELLI CAMERTIS.

ORATIO.



B R I X I A E

Apud Filios Vincentij Sabbij. M. DC. llll.

De consensu Superiorum.

D. O. M.
AD ILVSTRIS VIRVM

IOANNEM CORNELIVM

BRITIAE DEACTORVM AMPLISSIMVM,
et

IAEORI T. MONTIS CAMERAE

ORATIO.



BRITIAE

Apud Filios Vincentij Zappi. M. DC. III.

Te conuictis sup. inuenit.

AD ILLVSTRISS VIRVM
IOANNEM CORNELIVM.

TXIAE PRAETOREM AMP
ac vigilantissimum.

ORATIO

SI, quantum tuus Brixia discessus affert,
mortalibus dolorem, tantam nunc mihi
afferret ad dicendum facultatem, (Vir
Illustriss. vosq; ceteri Cives Nobilissimi)
& quantum in me nunc adest voluntatis, tantum fa-
cultatis adesset: non verreret profecto hunc in locum
ascendere, neq; dum de tuis virtutibus apud te, tanto
hominum conuentu, verba facere cogito, perterreret;
sed quoniam nescio quo pacto factum fuit, vt nouus
ad te accederet orator, nulla imbutus doctrina, imo
ad arma potius, quam ad studia natus, ita nunc animo
perturbor, ita timore deicior, ac metu perfringor, vt
nullum corporis membrum, nulla pars animi satis
probe, & comode suo munere fungi posse videatur;
hesitat lingua cordis trepidatione impedita: deficiet
vox primis preclusa, & elisa faucibus: languet spiritus:
cor obstupescit: genua labant: corpus deniq; totum,
atq; membra eiusdem omnia contremiscunt: Atq;
illud mihi accidere intelligo in te, illudq; quo splen-
des lumen intuenti, quod ijs solet accidere, qui aduer-

4
sum oculis solem intuentur: vt. n. illi, cum radios ferre non possint moderatoris illius, ac Principis syderu, ne adspectum amittant oculorum, coguntur lumina propter effusam lucem, ingentemq; splendorem hebescentia, auertere: sic ego fulgore, & quasi radijs virtutum tuarum circumfusus, ne mente quidem possum, cogitationeq; complecti, quod tamen verbis explicare, ornareq; contendo, ac studeo. | Quid igitur capiam consilij, si, quantum superest ad dicendum voluntatis, tantum deest facultatis, ac Virium? equidem (fatebor. n. libere) subterfugerem omnino hoc, quam perhonorificum, & amplum, tamen, cum difficile, & graue, tum periculosum, & humeris meis impar onus, & orationem meam erumpere gestientem, cohiberem, tuarumq; virtutum magnitudine perterritus, obmutescerem, nisi incredibili, ac pœnè diuina tua humanitate, Comitatus, lenitateq; considerem, quæ, cum adeo sit Illustris, vt latere neminem possit, mirum videri non debet, si, quam sepe à proposito tacendi me auerit, tenuitas ingenij, doctrinæ facultatisque meæ, tam sepe ad declarandam, quaquā licet significatione, orationemque admirabilem meam, & mei, quem adesse vides, Patris, in te obseruantiam, ac Pietatem, hortata est, impulitq; summa tua benignitas, comitatusque pœnè diuina: ea me facit audentem, earumque Virtutum splendore perculsum animum reficit, timentemque confirmat, ea monet, ortaturq.

ne verear te adire, & oratione ineleganti salutare, ac
venerari, vel potius puerilibus nugis grauissimum ca-
put, & castissimas aures obtundere, incultoq; ac pueri-
li dicendi genere eximias, atq; singulares prosequi,
complectiq; virtutes, ea deniq; non solum si errauero
veniam pollicetur, sed erroris quoq; commendatio-
nem laudemq; recipit, atq; promittit: hac igitur spe
confirmatus, nil erit quod me ultra terreat: iam libe-
re omnia, quæ animo concepi, libera etiam voce in
hoc præstantissimo auditorum cœtu, proferam; sed
quæso, Vir, Illustriss. dum per amplissima laudum tua-
rum maria percurro, quæso, inquam, orationis meæ
cursum, aura benignitatis, facilitatisq; tuæ ne desistas
adiuuare. Vos autem A. N. oro, atq; obtestor, vt, si me
sublimia humiliter, ampla tenuiter, illustria inorna-
te tractantem, & ex innumerabilibus, quæ ad dicen-
dum suppetunt plurima prætermittentem, pauca pro-
ponentē, verius quam exponentē, audietis, cogitetis
non posse quenquam in tam vbre materia omnia
persequi, neq; ea, quæ satis per se splendida, & ma-
gnifica sunt verborum ornatu indigere: Vela igitur
dabo, & quamquam immensum ingreditens oceanū,
ne in scopulos incidat nauis, & allidat præsertim no-
uus, & imperitus nauta magnopere veretur, fretus
tamen istis silentij, & beneuolentiæ vestræ secundis
ventis, orationem aggrediar: quæ ne libere nimis Na-
gari possit, vt nullum postea portum reperiāt, consti-
tuam

6
tuam mihi, certos terminos, ac limites, quos prætere-
sire, licet maxime velim, nequaquam tamen possim.
Primo itaq; nonnulla de tui generis nobilitate attingam, nō quod non habeā certas, ac proprias tuas laudes, sed vt inde aperte cognoscas quantum Nobilissimæ familiæ tuæ decoris, ac honoris addideris, postremo illas, quæ fulgent in te virtutes, & ea, quæ præclare gesta sunt (æterna dignissima commendatione) commemorabo. Ac equidem Vir Illustris. vt mea quantum in me situm est minime molesta sit oratio : silebo Patriæ tuæ claritatem : non dicam illam semper admirabili quadam virorum virtute, & singulari concordia, felicissimam ab initio partam libertatem, conseruasse: non commemorabo virorum gloriam, qui non modo animi magnitudine, ac virtute parua manu ingentes hostium copias vicerunt, sed fortunam ipsam contra se pugnantem, superarunt; omittā incredibilem, ac penè diuinam tantæ ciuitatis humanitatem, ad quam gentes omnes, tanquam ad otij portum terra, mariq; ab hostium conatibus exagitæ, confugerunt : tacebo eximiam in Deum Optimum Maximum Pietatē, quā, à suis incunabulis, non solum agnouit, & coluit, sed ab omnibus etiam hostibus armis tueri consuevit. Multa, ac penè infinita, quæ de Nobilissima Venetiarum Ciuitate, & eius admirabili gloria dici possent, mihi prætermittenda esse duco: quorsum, n. aggrediar laudationem tuæ Patriæ,

in qua natus, integerrimeq; educatus fuisti; cum mea
ad tuæ Nobilissimæ Familiæ claritatem, ex qua tot
Principes, tot Cardinales, tot Venetæ Reip. vt vocant
Procuratores, promanarunt, properare videatur ora-
tio: quæ vix è portu egressa, debet adhuc amplissima
maria perlustrare: quamobrem, vt antiquissimos He-
roas, qui omnes posteritati nomen commendarunt;
tacitus præteream, (siquidem mille iam sunt anni &
amplius cum tua Nobilissima Familia floret) à Marco
Cornelio mea principium ducat oratio: quis est igitur,
ita veteris memoriæ ignarus, ita in superiorum
temporum Historijs Peregrinus, & hospes, qui non
Marci Cornelij optimi, & sanctissimi viri, res pro Pa-
tria fortiter gestas, si minus è scriptorum monumen-
tis hauserit, at auditione certa aliquam nō acceperit?
cuius Viri Domi, forisq; spectata virtus, & viuum ma-
xima laude cumulauit, & confecto huius vitæ curri-
culo ad immortalitatem erexit: ab eo Georgius, & Ca-
therina Regina Cypri Fœmina honestissima; duobus
quasi riuis ex eodem capite manantibus, originem du-
xerunt: Hic ego, vir inclite, si orationis vela pande-
re; & quasi aperto inuectus mari per eorum laudes
decurrere instituam, vereor ne cum dicendi princi-
pium vel facillime reperero, exitum reperire non pos-
sum: quis enim fuit illo, aut probitate, aut optimarum
artium studio, aut innocentia, aut pietate, aut villo
genere laudis excellentior? nullius est tantum flumen

ingenij nulla dicendi, aut scribendi tanta vis tantaque copia, quæ non dicam exornare, sed enumerare Georgij virtutes, & præclare gesta possit: tamen hoc affirmo (& hoc pace dicam tua Georgij,) nullam in his esse laudem ampliorem, quam eam, quam tunc temporis consecutus fuisti, cum Cypri Regnum, quod Iacobus Rex Catherinæ Vxori reliquerat administrandum, reiecisti, ut illud, Patriæ, quam vita tibi chariorem esse dicebas, impetrares à Catherina: O Virum egregia, & singulari virtute prædicandum: O Amorem Patriæ admirabilem: O factum memorabile. O Pietate in omnem futurorum sæculorum posteritatem celebrandâ. Soleo quidem ego A: sæpe ante oculos ponere, idque libenter crebris usurpare sermonibus, omnes, tum Imperatorum, tum Principum, tum Clarissimorum Regum, res gestas: sed tam egregium factum, non solum vnquam non inueni, sed ne quidem ab vlllo audiui: quod si tantis laudum præconijs ad cælum usque solemus extollere, Alexandrum illum magnum, qui Regnum regendum recusauit, quod sibi postea armis ab hostibus erat omni ratione custodiendum: Georgeum vero Cornelium, qui Cypri Regnum ab omnibus hostium conatibus liberum, regendum abiecit: quibus laudibus efferemus? quibus studijs prosequemur? qua beneuolentia complectemur? sed non omnia nobis Vir Amplissime, sunt persequenda, multa siquidem, quæ cum à me multo breuius

uius

uius, multoq; exilius tractari, quam dignitati, atq; amplitudini ipsorum conueniret, sentiam, acutissimis eorum, qui me audiunt, ingenijs prorsus considerata relinquo: quis. n. modus futurus esset, si in singulis Georgij Virtutibus, atq; aliorum Virorum, qui ex Nobilissima familia tua deriuarunt, immorari; atq; insisterem: qua propter nil dico de illo, inclito Marco Cardinali Georgij Filio, cuius primum Virtus concordiam Venetiarum imperio peperit, cum Alexandrum Sextum Pontificem contra Venetos incensum ira, nescio qua in dicendo vbertate, atq; eloquentia, conciliauerit, placidum benignumq; reddiderit: mitto incredibiles alias, quæ in illo eluxerunt Virtutes; non commemoro immortalẽ illam Francisci Auitui Gloriam, qui tot Ciuitates, tot Prouincias expugnauit, soloq; pœnitus equauit, qui aditum toties turcis præcluserit, eiusdem in conficiendis bellis celeritatem non expono: qua opulentissimos sæpe tenuit exercitus hostiũ, & res labantes, atq; afflictas diuino propemodum consilio confirmauit, & erexit: prætermitto sciens, & Prudens Marci Antoni Patris tui, eximiam Pietatem, Clementiam, Sapientiam, Iustitiam, ceteraq; ornamenta longe maxima: Silco Georgij etiam fratris tui, inuicibatam Prudentiam, humanitatem, splendorem, spectatissimam honestissimæ Vitæ integritatem, humanarum rerum dispicientiam, diuinarum studium ardentissimum, & infinita alia, quæ si me per censere posse

putem fallar, prorsus, atq; errem: quæ nisi per se tanta
 esse confitear, vt nullius oratione hominis explicari
 queant, non immerito parum sanus vobis esse videar:
 præmittò igitur Vir Illustris. ea ornamenta, quæ
 tua propria non sunt. Venio nunc ad alteram meæ ora-
 tionis partē, ad ea nempe, quæ ipse tibi, labore, diligē-
 tia, assiduitate, studio comparasti: quorū splendor tan-
 tus meis oboritur oculis, vt vehementer dubitē, tu ne
 maioribus, an maiores tibi, plus attulerit decoris, & or-
 namenti: nam quæ in illis singulis, singula magna, atq;
 diuina putabantur, ea vniuersa in te vno, summa, effe-
 ctor ille rerum collocauit, vt non ex illis natus, sed ab
 ipso Deo fictus esse videaris: imò vt orto solē minora
 lumina nostri ad spectus aciem effugiunt, sic præcla-
 ra maiorum tuorum facta (vt Illustris. sint) tamen ef-
 fuso splendore virtutum tuarum extenuantur, atq; il-
 larum omnino lux, & splendor euanesceat, atq; ipsa mēs
 tuarum Virtutū admiratione perculsa, stupet, & ora-
 tio insolito splendore territa, vt earū dignitatem con-
 sequi possit veretur summopere: dicam tamen vt po-
 tero. vos A. non ex oratione, sed ex natura ipsa, Admi-
 rabiles Ioannis Virtutes penditote: quæso vos, qui tāta
 benignitate, quæ dixi adhuc audistis, mihi illas, quarū,
 & in hac Vrbe, & in omnibus Venetiārum Ciuitatibus
 videmus impressa vestigia, ad umbrare cogitanti, exi-
 guo temporis spatio, attentionem nē denegetis. Mul-
 tis ego illos imbutos disciplinis, atq; expolitos sciētijs,

& hisce præcipue Virtutibus, Iustitia, Pietate, Fortitudine, Prudentia; insignitos esse oportere existimo, qui velut in Reip. Puppi sedentes clauum tenent, atq; Ciuitates regunt. quis igitur fuit hoc Præclarissimo Heroe, studia litterarum præstantissima, maiori à teneris vsq; annis amore profecutus? quis ardentius illa adamauit? à quibus, nullo vnquam tempore, illū, aut comodum, aut otium abstraxerit, aut voluptas auocarit, aut deniq; somnus retardarit. Hic A. cum acre ingenium à Natura, & velox, & acutum accepisset, nō, vt solent alij à pueritia adolescentes, præclarissima studia degustauit tantum, & attigit, sed ita animo illa perscrutatus, ita mente complexus fuit, ita memoria sepsit, vt litterarum fontem, atq; studiorum omnium parentem appellarent vniuersi. Hinc Venetus Senatus tantā in illo Virtutū ornamenta admiratus, illi (vt de alijs taceam dignitatibus præclarissimis, quas antea consecutus fuit) illi, inquam, Senatus Patauium, Veronamq; Ciuitates Nobilissimas regendas, administrandasq; comisit. Quid expectatis A. quid vult sibi ista omnium murmuratio? commemorabo, commemorabo admirabilia hic ego tanti Viri Præclare Patauij, Veroneq; facta, erumpent, erumpent tandem ista inclusa pectore, non tenebo diu suspensos animos vestros, narrabo breuiter, quæso diligenter attendite. Admiratur adhuc Populi illi A. Nostri Rectoris Ioannis, in gubernando incredibilem sapientiam, miram

in extogitando Prudentiam, admirabilem suauitatē,
at penē diuinam indicendo facundiam: Prædicant alij
velocissimū ingenij acumen, & altissimę mentis consi-
lium: celebrare non desinunt quā plarimi, Pietatem in
Deū, in agendo mansuetudinem: suspiciunt nonnulli,
atq; ad Cælum extollunt, eximiā illam in regendo Iu-
stitiam, quam sic semper coluisse Populi omnes illi Præ-
dicantur, vt in illo vno præcipuē suum domicilium co-
locasse Prædicent: sic semper, vel in publicis, vel in pri-
uatis negotijs ius suum vnicuiq; tribuit, sic sanctas le-
ges, sic patrum decreta, sic Populi consuetudines ob-
seruauit, vt omnes illum Iustitiæ, & concordie paren-
tem appellarent. Quid Plura? quid honeste ab illo pe-
tiuit aliquis vnquam, quod non impetrauit? quem vn-
quam egentem, & quæ ad victum suppeditarent, atq;
cultum corrogantem, vacuis à munere manibus dimi-
sit? quod verbum vnquam ex eius ore durum, & pro-
brosū excidit? Hunc A. deflent inopes altorē, & edu-
catorem suum: hunc viduæ suos filios miserantem:
hunc tutelam suā pupilli deplorant: hunc impotentes,
cuius fidem in suis periculis, atq; præsidium senserāt,
desiderant, illi ipsi, qui omniū rerum copijs abundā-
tes, tanto Viro minus indigere videbantur: tamen hūc
tam fidelem sui defensorem concupiscunt, & eius in
iudicando æquitatem Prædicant vniuersi. Quare me-
rito, atque optimo iure Veronenſis Populus, hunc,
non modo moderatorem suum, sed etiam Parentem,

merito

merito, inquam, auréa corona, ad perpetuam suæ gloriæ Claritatem indicandam, cohonestauit: merito, illo discedente, iugebant omnes: merito suspiria pectus, dolor præcordia, animum omnium, meror ingens occupauit: merito personabát omnia gemitibus: merito vñdiquæ querelæ, & lamentationes exaudiebantur: dum .n. A. Hic illis præerat Ciuitatibus: vigeabant sanctissimæ leges: florebant optima instituta: colebatur Iustitia, exercebatur, cum in omnem rerum moderatorem Deum Pietas, tum in Pauperes, incredibilis liberalitas: quæ quidem singula optime sensit Senatus ille, cum hunc reuersum Venetias, tot tantisq; honoribus affecerit, illumq; tanquam numen aliquod nuper è Celo delapsum, admirarentur vniuersi. Ac quidem fieri sæpe videmus A. vt ij, qui ad honorum euehuntur fastigia, nullis se humanitatis, & modestiæ finibus contineant: hic tamen mira in omnes semper fuit morum facilitate, sermonisq; humanitate, atque studio, illudq; alijs iuuandi nunquam deposuit, imò vero auxit in dies, cum in res publicas, tum priuatas omnem operam, & laborem conferendo: cum autem permagni sit Prætoris fungi officio, ac potestate, dum in grauioribus delictis necesse est, ex animi cōstantia, sententiam pronunciare, & pœnas irrogare, interdum etiã in leuioribus misericordiæ, & lenitatis partes agere: vtrunq; hic ipse A. sic perfecit, vt fortasse, nemo improbis formidolosior, nullis bonis amicio-

fiorq; extitisse videat ur. ex hisce A. quas tanti Viri enu-
 merauimus Virtutes, animi magnitudinem pendito-
 re, qui nullis vnquam pepercit sumptibus, qui pericu-
 lum, non modo furtunarum, sed ipsius capitis pro pa-
 triæ salute neglexit, qui deniq; omnes, qui, vel aliqua
 virtutis, vel nobilitatis nota, exornati, atq; insigniti
 essent, hospitio magnificentissime, humanissimeq;ue
 semper excipere consuevit. Hinc profecto factum pu-
 ramus, vt eius non vulgaris humanitas, mira benigni-
 tas ab exteris vsq; nationibus cognoscatur: hac ipsa hu-
 manitate vestrum omnium animos, non modo, mul-
 tis in rebus, confirmauit, sed omnino hac in sua præfe-
 ctura deuinxit. quæ, cum tanta esse intelligam A. in
 Amplifs. Prætorē, quanta cuiusquam hominis mens,
 & cogitatio vix capere potest, tamen taceri, & de me-
 moria deleri, nō equidem moleste feram. sit illud in-
 fixum modo in vestris animis, inhæreat pœnitus in mē-
 tibus omnium, immortalitatiq; mandetur: quod vna
 tanti Reçtoris pietas in Deum, me de rebus alijs dice-
 re cupientem ad se vocat, nec in tot laudibus, tam il-
 lustribus, tam diuinis diutius, vt par esset, immorari
 finit. Vos A. si quam ex oratione nostra adhuc mole-
 stiam cēpistis, illā præstantia rerū earum quas comme-
 morabimus prorsus ex animo depellite. quis non ad-
 miratur, quæ dicta sunt, quis non tam magna ducit, &
 tam illustria, vt ea nullius hominis factis, quamuis ma-
 ximis, postponentur, mihi verò cētera omnia leuissi-
 ma

ma videri solent, vnamq; tantum tanti Viri Pietatem in Deum admiror, atq; suspicio: imò hæc sola ceteras laudes sui splendore, obscurat, & obruit. quapropter A. nil, aut certe parum apud vos valeat, vel Fabij Dorsonis religio, qui medijs in armis nè passus quidem est sacrificium interrumpi, vel Sylle, qui ad omnia bellorum discrimina imaginē in senū ferebat Appollinis, vel Alexandri Magni, qui se neq; Vrbani, neq; bellicis negotijs implicabat, antequam matutinis sacris immortalium Deorū numina sibi propitia reddidisset: parum, parum, inquam, hæc apud vos omnes valeant exempla: plurimum vero huius Rectoris exemplum, non inanis, sed veræ, ac perfectæ religionis apud vos omnes valeat: cuius fultus præsidio, non modo ad alias Ciuitates regendas, sed ad vestram Ciuitatem Brixensem gubernandam, amplificandamq; aptissimus fuit: quæ Ciuitas vniuersa illi soli, eiusq; integritati fuit comissa: tantamq;, hic insuper ceteris publicis in rebus operam posuit, tanto studio, & publica, & priuata negotia transegit, vt tanquam nouum Atlantem totius Ciuitatis pondus suis humeris regentē, nec defessum tamen, nec hanelantē magna cum omnium admiratione conspexerimus. sed quid ego demens apud vos Brixienfes, qui rerum ab eo diuinitus gestarum testes fuistis, plura commemoro? quid plura disputo? quid argumentor? tua, tua Vir inclitè, Iustitia, Fides, Pietas, Humanitasq; incredibilis, ita te illu-

illustrem reddit, vt nulla indigeas luce orationis, huius nobilissimi Palatij parietes, tecta vniuersa, præclara ædificia, muri ipsi, si loqui possent, splendorem tuum declarant: cum tacent loquuntur: cum obmutescunt vociferantur; Vos autem A. cum si letis, tunc vno ore ipsius Prætoris æquissimi laudes celebratis. ò fortunatam, ò beatam Patriam vestram: ò ter quaterq; felicem Brixiam, quæ tantum Virum gremio suo excepit; miseram vero quæ eundem amittit: merito atq; optimo iure A. iacent animi vestri, in tantiq; Viri discessu vos à lacrymis, quas grauitas, & constantia retinere, ac frænare consueuerat, abstinere non potestis: merito meret vniuersus populus: merito squallet Ciuitas vniuersa. quis .n. te ò Brixia, hac in præfectura magis quam seipsum dilexit? (Ioannes Cornelius) quis vtilitatem tuam propriæ quieti anteposuit? (Ioannes Cornelius) quis publicas & priuatas res incredibili humanitate administravit? (Ioannes Cornelius) quis omnium officiosissimus quis vniuersis gratissimus? (Ioannes Cornelius) quis vesanum frænauit sycariorum furorem? (Ioannes Cornelius) quis audaciam eorundem intollerabilem repressit, effrænatosq; impetus fregit, nefariosq; conatus retardauit? (Ioannes Cornelius) quis deniq; eosdem homines perhitissimos, in te quotidie cædem machinantes, Pestem mo-
 lientes, nunc istum, nunc illum oculis ad cædem notantes, ac designantes, cæde atq; incendijs te vastare
 cupien-

cupientes, eiecit, expulit, dispersit, exterminauit?
 (Ioannis Cornelius?) O Virum omnibus sæculis præ-
 dicandum. O Prætorem omnibus linguis celebra-
 dum. quæ tam ingratae erunt litteræ, quæ de tuis lau-
 dibus conticescant? quæ futura est tam Barbaræ, aut
 tam longinqua natio, quo non tantarum Virtutum
 fama perueniat? quæ tam surda posteritas quæ clamo-
 res nostros admiratione Virtutum tuarum, excitatos
 non exaudiat? sed tuas immortales laudes, Prætor di-
 gnissime, arida nimis, nimis, ieiuna, nimis inornata
 oratione attingo. Utinam duæ mihi lingue essent,
 ut Aquilæ sunt Imperiali, ut vberius tuas laudes expli-
 carem; duæ facies, ut Iano fuere, ut melius illas signi-
 ficarem; centum manus, ut Briareus fertur habuisse,
 ut luculentius illas describerem: verum quid mihi
 auguror? licet haberem hæc omnia, facilius tamen
 esset omnes fluuios, quibus terra irrigatur, breui, &
 angusto loco concludere, quam omnes tuas Virtutes
 breui temporis spatio, oratione complecti. Nunc de-
 mum animaduerto, quam profundo mari, quam im-
 menso pelago, quam infinito Oceano, mea vagari cœ-
 perit oratio: me siquidem susceptarum rerum magni-
 tudo, ita huc illucq; ancipitem agit, ut diuersissimis
 animi fluctibus, tanquam æuoreis procellis, hinc inde
 agitatus, ubi tandem conquiescam, quo nauim diri-
 gam, quo tendam, quem portum arripiam, non inue-
 nio. Quid igitur faciam. certem, cum quid sequar

non

non habeam, illius saltem periti licet, non tamen de-
 mentis, Nautę exemplum immitabor, qui cum aliquā
 longam nauigationem suscepit, si vix dum ē portu
 egressus, se minus instructum ijs rebus, quę necessarię
 sunt ad tantum iter conficiendum, animaduertat, in
 cum potius portum reddit, à quo digressus est, quam
 se pelago non satis paratum comittat: ego quoq; cum
 tandem nimis aperte videam ingenij mei nauem non
 satis aptam ad eximiorum Virtutum, laudumq; tua-
 rum pondus sustinendum, cœptum iter, ne inlyrtim
 incidamus, aut appellamus ad scopulos libens potius
 desero: idq; eo facio libentius, quod iā alium audio
 publico Ciuitatis nomine, præparari oratorem, qui
 meliori orationis stilo, firmioribus lateribus, grauio-
 ri dicendi genere, ac vberiori eloquentia, pari studio,
 & eloquentia, tua præclare gesta, commemoret, or-
 netque, qui merito peracti muneris expectet gloriam;
 mihi in præsentia satisfactum fuerit, si cœpti, ac pene
 in ipso calce deserti muneris non imputetur audacia;
 sed istam quoq; temeritatis libens subibo notam, mo-
 do hūc animi mei conatum, nimio ardori ascriptum;
 tibi non ingratam omnino fuisse sentiam: sed, cum &
 temporis me ratio, & tua singularis humanitas, (Vir
 Illustris.) vt vela contraham, portūq; tandem aliquē
 aliquando respiciā, moneat: quod à te tanta benigni-
 tate auditus fuerim, tātas tibi gratias ago, quātas ma-
 ximas agere possum, tantiq; beneficij memoriam be-
 neuolentia